

# LEFA SEKOLOTO SE MORAO KA LA 29 TLHAKUBELE HO QOBA DIKOTLO LE TSWALA

**PRETORIA, Labone, 7 Tlhakubele 2019** – Balefalekgetho ba setse feela ka matsatsi a ka bang 22 ho lefa dikoloto tsa bona tse morao ka Labohlano la 29 Tlhakubele ho qoba ho lefa dikotlo le tswala. Dikgutliso tse morao di lokela ho nyehelwa hanghang.

Balefalekgetho ba lemoswa hore ho tla le tshubehlellano e matla ya marangrang mme ka lebaka la sena ba koptjwa ho etsa ditefo esale ka nako ka 12:00 ka la 29 Tlhakubele ho qoba ditiehisano tsa marangrang, haholoholo bakeng sa tse latelang:

- Dinyehelo tsa VAT le Ditefo
- Ditefo tsa kgafa ya dithoto
- Ditefo tsa Nakwana tsa Lekeno la Kgwebo (CIT)
- Ditlhophiso tse teng jwale tsa tefo tse pakeng tsa hao le botsamaisi ba dikoloto ba SARS

Ebang o qeaqea hore o kolota bokae le hore o ka lefa jwang, le hore o ka etsa eng ebang o sa kgone ho lefa bokaalo bo felletseng hanghang kapa ebang o batla ho etsa ditlhophiso tsa tefo kapa ebang o sa dumellane le bokaalo boo o bo kolotang, ka kopo ikopanye le SARS hanghang ho 0800 00 7277.

Hopola, ke tlolo ya molao ho se nehelane ka kgutliso ya hao ya lekgetho ha nako e fihla, mme ho ka nkuwa mehato ya molao ebang o sa lefe lekgetho leo o le kolotang SARS.

Ho na le disebediswa tse mmalwa tsa pokello ya lekgetho tseo SARS e ka di sebedisang ho qobella tefo ya sekoloto sa lekgetho mme tsena di akaretsa:

- Ho bokellwa ha sekoloto ho tswa setheong se o tshwaretseng tjhelete ka tsela ya [ho kgethwa ha Mokga wa Boraro](#) o jwalo ka mongamosebetsi, banka kapa khastamara.
- Ho ntshuwa ha kahlolo le ho etsa hore lebitso la hao le be dibukeng tsa batho ba sa lefeng mekitlane ya bona
- Ho hapa le ho rekisa thepa ya hao.
- Ho fumana taelo ya lekgotla e re dumellang ho hapa thepa ya hao.
- Ebang o na le thepa mose, re ka fumana taelo ya lekgotla e qobellang hore thepa e kgutlisetswe Afrika Borwa mme ka yona nako eo, tokelo ya hao ya ho hweba kapa ho eta e ka nonyetseha.
- Ho ka rekiswa kapa ha hapuwa lefa la hao.

Ebang o na le bothata re o kgothaletsa hore o ikopanye le rona ho qoba hore re o nkele mehato ena kaofela eo ho builweng ka yona ka hodimo mona.

## **Dintlha tsa bohlokwa tsa boikopanyi:**

- SARS Contact Centre: 0800 00 7277
- Diketsahalo tse belaetsang tsa lekgetho mmoho le mohala wa ho tlaleha manyofonyofo: 0800 00 2870
- Foromo ya ho tlaleha se belaetsang inthaneteng e fumaneha mona: [www.sarsefiling.co.za](http://www.sarsefiling.co.za).